

關西一統

卷五十二

登錄總校官侍郎臣高

學士臣翟

分校官修撰臣丁士美

書寫辦事吏臣張又

周照監生臣

馬忠

永樂大典卷之五千二百五十二 十三蕭

遼 遼 控制諸國

契丹誌控制諸國 沙漠控制沙漠之北。置西路都招討府。奧院部族衛
驢駒河統軍司。例提嶺衛。鎮撫糧輜糈。迎列諸軍。雲中路。控制夏國。置
西南面都招討府。西京兵馬都部署司。金廣河清軍。五城城南北大王府。
乙室王府。山金司。燕山路。備禦南客。置燕京都總管府。節制馬步軍。控鶴
指揮使都統軍司。牛欄監軍寨。石門詳穩司。南北皮室司。猛換刺司。五
總管府。中上京路。控制吳境。置諸軍都虞候司。吳王府。大牙穩司。大國
司。大常采司。五院司。六院司。齊溫司。遼東路。控扼高麗。置東京兵馬都
署司。契丹吳漢渤海四軍都指揮使。保州統軍司。陽河詳穩司。金吾營
司。長春路。鎮撫女真室韋。置黃龍府兵馬海都署。咸州兵馬詳穩司。東
北路都統軍司。論曰契丹之興。其盛如此。其亡也忽焉。惜哉。四至隣國
地里遠近。東南至新羅國。西以鴨綠江。東八里黃土嶺為界。至保州一
十一里。次東南至五節度女真部族共一萬餘戶。皆雜處山林。尤精弋

獵。有屋舍居舍。門皆於山牆下開之。耕鑿與渤海人同。無出租賦。或遇北主征伐。各量戶下差充兵馬。回各還便歸本處。所產人參。白附子。南星。茯苓。松子。猪苓。白布等物。並係契丹樞密院所管。差契丹。或渤海人。充節度管押其地。南北七百餘里。東西四百餘里。西北至東京。五百餘里。又次東南。至熟女真國。不屬契丹所管。其地東西八百餘里。南北一千餘里。居民皆雜處山林。耕養屋宇。與熟女真五節度同。然無君長。首領統押精於騎射。今古以來。無有盜賊詞訟之事。任意逐徙。多者百家。少者三兩家而已。不與契丹爭戰。或居民等自意相率。賣以金。帛。布。黃蠟。天南星。人參。白附子。松子。密等諸物。入貢。北蕃。或只於邊上買賣訖。却歸本國。契丹國商賈人等。就入其國買賣。亦無所礙。契丹亦不以為防備。西至東京。二百餘里。東北至生女真國。西南至熟女真國界。東至新羅國。東北不知其極。居民屋宇耕養。言語衣裳。與熟女真國並同。亦無君長所管。精於騎射。前後屢與契丹為邊患。契丹亦設防備。南北二千餘里。沿邊創築城堡。搬運糧草。差撥兵甲。屯守征討。三十年來。深為患耳。南界西南至東京六百里。又東北至屋恩國。阿里眉國。破骨魯國等國。每國各一萬餘戶。西南至生女真國界。衣裳耕種屋宇。與女真人言語異。契丹樞密院。差契丹或渤

海人充逐圖節度使管押。然不出征賦兵馬。每年惟貢進大馬、蛤蜊、青鼠皮、貂鼠皮、猞猁皮、密蠟之物。及與北蕃人任便往來買賣。西至上京四千餘里。正東北至鐵離國。南至阿里肩等國界。居民言語水裝。屋宇耕種。稍通阿里等國。無君長。皆雜處山林。不屬契丹統押。亦不與契丹爭戰。復不貢進。惟以大馬、蛤蜊、鷹、鶻、青鼠、貂鼠等皮、猞猁皮等物。與契丹交易。西南至上京五千餘里。次東北至棘渴國。東北與鐵離國為界。無君長。統押。微有耕種。春夏居屋室中。秋冬則穿地為洞。深可數丈。而居之。以避其寒。不貢進。契丹亦不爭戰。惟以細鷹、鶻鷹、細白布、青鼠皮、銀鼠皮、大馬、猞猁皮等。與契丹交易。西南至上京五千餘里。又次北至鐵離喜失牽國。言語水裝。屋舍與棘渴稍同。無君長。管押不貢進。契丹亦不爭戰。惟以羊馬、牛、驢、皮毛之類。與契丹交易。西南至上京四千餘里。正北至蒙古里國。無君長。所管亦無耕種。以戈獵為業。不常其居。每四季出行。惟逐水草。所食惟肉酪而已。不與契丹爭戰。惟以牛羊、驢馬、皮、毛之物。與契丹為交易。南至上京四千餘里。又次北至于厥國。無君長。首領管押。凡事並與蒙古里國同。甲寅歲。曾率衆入契丹國界為盜。聖宗命驍馬都尉蕭徒欲統兵大破其國。遂復更不復為盜。惟以牛羊、驢馬、皮、毛之物。與契丹為交易。

東南至上京。五千餘里。又次北西至盤古里國。又西北。又次北。近西至遼打國。各無君長。每部族多者三二百家。少者五七十家。以部族內最富豪者為首領。不常厥居。逐水草以戈獵為業。其婦人皆精於騎射。常與契丹爭戰。前後契丹屢為國人所敗。契丹主命親近為西北路兵馬都統。率者部兵馬十餘萬防討。亦制禦不下。自契丹建國已素。惟此二國為害。無奈何。番兵困乏。契丹常為所攻。如暫安靜。以牛羊駝馬皮毛為交易。不過半年。又却為盜。東南至上京六千餘里。西近北至生吐蕃國。又西至党項突厥等國。皆不為契丹國害。亦不進貢往來。蓋以熟土渾突厥党項等部族所隔。東南至雲州三千里。正西與西昊賊黃河為界。西南至麟州府州界。又次南近西定州北平山界。又南至霸州城北界河。又次南至遂城北鮑河為界。又南近東至滄州北海。又南至安肅軍自潤河為界。又南近東至登州北海。又南至雄州北拒馬河為界。又南至海。遼東遼遠不記州十餘縣二百餘外見記五處。金肅。河清。曷童。五花。振武。諸蕃臣投下州二十三處。徽州。濠州。驪州。衛州。荊州。閬州。隨州。和州。澄州。全州。義州。遂昌州。豫州。負州。福州。榮州。唐州。栗州。黑州。河州。茂州。

麗州。宗州。南北刻鏤獻禮物。契丹賀宋朝生辰禮物。宋朝皇帝生日。北朝所獻刻絲花羅。御樣透背御衣七襲。或五襲。七件紫青貂鼠翻披。或銀鼠。項鴨頭納土。塗金銀裝箱。金龍水晶帶。銀匣副之。錦緣帛被。皮鞞。金瑛。京皂白熟皮鞞。細錦透背。清平內製。御樣合線樓機綾。共三百匹。塗金銀龍鳳鞍勒。紅羅匣金線紡方鞞二具。白楮皮黑銀鞍勒。毳鞞二具。綠稠楮皮鞍勒。海豹皮鞞。白楮皮裏筋鞭一條。紅羅金銀線紡雲龍紅錦器仗一副。黃猊皮纏楮皮弓一。紅錦袋。皂雕翎獬角兜頭箭十。法漬法麵麪酒二十盞。蜜山果十束。檀椀蜜漬山果十束。檀尺列山梨柿四束。檀搥栗。松子。郁李。黑郁李。子麪棗。櫻梨。堂梨。二十箱。麪稅麝梨。粉十梳。燕艾白鹽十枕。青鹽十箱。牛羊野豬魚鹿腊二十二箱。御馬六匹。散馬二百匹。正旦御衣三襲。鞍勒馬二匹。散馬一百匹。國母又致御衣。珠貂裘。鈿錦刻絲透背。合線御綾羅綺紗縠。御樣果實。雜紗腊肉。凡百品。水晶鞍勒。新羅酒。青鹽。國主或致戎器。寶鐵。名鷲禽。日海東青之類。承天節。又遣庖人持本國異味。前一日就禁中進食。以進御云。宋朝賀契丹生辰禮物。契丹帝生日。南宋遣金酒食茶器三十七件。衣五襲。金玉帶二條。烏皮白皮二量。紅牙望筒。歌栗。柏板。鞍勒馬二匹。櫻復鞭副之。金花銀器三

十件。銀器二十件。錦綺通背。雜色羅紗綾。絛絹二千匹。雜絛二千匹。法酒三十壺。的乳茶十斤。岳麓茶五斤。鹽蜜果三十罐。龍果三十籠。其國母生日。約此數焉。正馬則遣以金花銀器。白銀器。各三十件。雜色羅紗絛絹二千匹。雜絛二千匹。宋朝勞契丹人使物件。契丹每歲。國使入南宋境。宋遣常來官內職各一人。假少卿監諸司使以上接伴。內諸司供帳。分爲三番。內臣主之。至白溝驛。賜設。至貝州。賜茶藥。各一銀合。至大名府。又賜。及畿境。遣開封判官勞之。又命臺省官諸司使館伴。送於班荆館。至都亭驛。各賜金花銀酒器。錦余褥。朝見日。賜大使金塗銀冠。帛羅纓冠。衣八件。金鞋鞢帶。烏皮鞢。銀器二百兩。綵帛二百匹。副使。皂紗折上巾。衣七件。金帶。象笏。烏皮鞢。銀器一百兩。綵帛二百匹。鞍勒馬各一匹。其從人上節十八人。各綵散錦襖及衣四件。銀器二十兩。綵帛三十匹。中節二十人。各寶照錦襖及衣三件。銀器十兩。綵帛二十匹。下節八十五人。各紫綺襖衣四件。銀器十兩。綵帛二十匹。並加金塗銀幣。上節中節。又加綵鞢。就館賜生餼。大使抗粟各十石。麵二十石。羊五十。法酒。糯米酒。各十壺。副使抗粟各七石。麵十五石。羊三十。法酒。糯米酒。各十壺。承天節。各別賜衣一襲。遇立春。各賜金塗銀錢。博勝春盤。又命節帥。就玉津園伴射弓。賜來使銀

飾箭筒弓一箭二十。其中的。又賜窄袍衣五件。金束帶鞍勒馬。在館遇節序。則遣臣賜設。辭曰。長春殿賜酒五行。賜大使盤蔬。暈錦窄袍。及衣六件。銀器二百兩。絲帛一百匹。副使紫花羅窄袍。及衣六件。銀器二百兩。絲帛一百匹。並加金束帶。雜色羅錦綾絹百匹。從人各加紫綾花絁綿袍。及銀器絲帛。將發。又賜銀瓶合盒。炒羅等。又令近臣餞于班荆館。開封府推官錢于郊外。接待大使。副使。復為送伴。緣路累賜設。西京本末。上京太宗建。上京臨潢府。乃大部落之地。離來州數十里。即行海岸。猶挹滄溟。與天同碧。窮極目力。不知所際。有訥都烏河。舊語山。為訥都。水為烏。其東北三十里。即長泊也。沙少積。是白馬渡。土河。亦云。撞撞水。聚沙成壤。少人煙。多林木。其河遶平慶國土。曾於此處過冬。又至木葉山。三十里許。有居人瓦屋。及僧舍。中京。承天太后建。中京之地。奚國王牙帳所居。奚本曰庫莫奚。其先東部。胡宇文之別種也。窟居松漠之間。俗甚不繁。而善射獵。好為寇抄。其後種類漸多。分為五部。一曰辱紇。二曰莫賀弗。三曰契丹。四曰木昆。五曰室得。每部一千人為其帥。隨逐水草。中京東過小河。唱叶山道。北奚王避暑。將有亭臺。由古北口。至中京北。皆奚境。奚本與契丹等。後為契丹所得。所在分奚契丹漢人渤海雜處之。奚有六部。度都省統領。

言語風俗與契丹不同。善耕種。步射入山採獵。其行如飛。又契丹圖志云。奚地居上東。燕三京之中。土地肥美。今曠西臨馬。孟山六十里。其山南北一千里。東西八百里。連亘燕京西山。遂以其地建城。號曰中京。南京。太宗建南京。本幽州地。乃古冀州之域。舜以冀州南北廣遠。分置幽州。以其地在北方。陰幽也。東有朝鮮遼東。北有樓煩。白檀。西有雲中。九原。南有澤潞。易水。唐置范陽節度。臨制奚契丹。自晉割棄。建為南京。又為燕京。析津府。戶口三十萬。大內壯麗。地北有市。陸海百貨。聚于其中。僧居佛寺。冠於北方。錦繡組綺。絕天下。膏腴蔬畝。粟實稻粱之類。靡不畢出。而桑柘麻麥羊豕。雉兔。不問可知。水甘土厚。人多技藝。秀者學讀書。次則習騎射。耐勞苦。石晉未割棄已前。其中番漢雜居。勝負不相當。既築城後。遠望數十里間。宛然如帶。回環險峻。形勢雄傑。真用武之國也。東京。太宗建。東京。本渤海王所都之地。在唐時為黑水靺鞨二種。依附高麗者。黑水部。與高麗接。勝兵數千。多驍武。古肅慎地也。與靺鞨相鄰。東夷中為強國。所居多依山水。地平曠。築土如堤。鑿穴以居。其國西北與契丹接。太祖之興。始擊之。立其子東丹王。鎮其地。後曰東京。併合部落。初契丹有八部族之大者曰大賀氏。後分為八部。部之長號大人。而常推一人為王。建旗鼓以統八部。

每三年則以次相代。或其部有災疾。而畜牧衰。則八部聚議。以旗鼓立其次而代之。被代者。以爲元約如此。不敢爭。及阿保機。乃曰。中國之主。無代立者。由是阿保機。益以威制諸國。不肯代其立。九年。諸部共責謂之。阿保機不得已。傳其旗鼓。而謂諸部曰。吾立九年。所得漢人多矣。吾欲別自爲一部。以治漢城可乎。諸部得許之。漢城在炭山東南。梁河上。有鹽鉄之利。乃後魏滑鹽縣也。其地可植五谷。阿保機率漢人耕種爲治。城郭邑屋。屋市如幽州制。漢人安之。不復思歸。阿保機知衆可用。用其妻迷律。策使人告諸部大人曰。我有鹽地之利。諸部所食。然諸部知食鹽之利。而不知鹽有主人可乎。當來擒我。諸部以爲然。共以牛酒會鹽地。阿保機伏兵其旁。酒酣伏發。盡殺諸部大人。復併爲一國。東北諸夷皆畏服之。東都事略甚矣。中國之有夷狄也。蚩夷猾夏。見於堯舜之時。昆夷儼狁。見於文王之世。夫堯舜文王。帝王之盛也。夷狄猶未盡率服。則後世可知矣。在漢則有匈奴之強。而唐亦有突厥。回紇吐蕃之暴。漢唐尚然。則非漢唐又可知矣。太祖受命。夷狄畏威。不敢犯塞。太宗既下太原。乃移兵幽薊。自是有契丹之師矣。李繼捧以靈夏之地。歸吾職方。而繼遷因以叛亂。至真宗之世。契丹直抵擅魏。真宗決策親征。一戰而勝。與之議好。于時繼遷亦死。德明請命。

於是兩邊晏然。自三代漢唐以來蓋未有也。竇元慶曆之間。元昊謀僭契丹生靈。北邊既已再和。而西師旋亦解嚴。且叛則討之。服則安之。此仁宗盛德大度也。神宗雄材大略。有開拓四夷之志。雖復地於熙河。尋敗師於靈武。逮至元祐。力主和戎之議。紹聖復建用兵之策。蔡京既收遼郭。王黼謀取燕雲。馴致金兵。擾我甸服。斷喪帝室。屠害生靈。而二駕俱北狩矣。可不痛哉。此其服叛去來。為中國利害者也。其它四夷。在祖宗時。率皆慕義向化。且不為中國利害者。則皆闕而不書。遼國。即契丹也。蓋東胡之種。在潢水之南。本鮮卑之舊地也。自後魏以來。名見中國。初契丹之先。有一男子。乘白馬。一女子。駕灰牛。相遇於遼水之上。遂為夫婦。生八男子。一男子。即大賀氏也。八子為八部。一日但利皆。二日乙室活。三日實活。四日納尼。五日頻沒。六日內會羅。七日集解。八日奚啜。部之長。號大人。常推一人為王。得建旗鼓。唐光啓中。其王欽德。侵略難耜。奚室韋而後屬之。欽德表諸部以耶律幹里少子阿保機代為王。阿保機強併八部為一部。乃僭稱皇帝。自號天皇王。稱年曰神冊。龍德。天贊云。唐天成元年。阿保機元。德光立二年。改元天顯。陷營平二州。晉高祖立。求援於德光。劉幽薊十六州與之。乃以德光所居。為上京臨潢府。幽州為燕京。幽都府。渤海國為東京遼陽。

府天福三年。改元曰會同。國號大遼。開運四年。德光南牧度河。還至樂城
 死。突欲之子兀欲立。名環。改元曰天祚。自稱天授皇帝。立五年。以弑死。周
 廣順元年。德光子齊王述律立。名明。改元曰應曆。自稱天順皇帝。顯德六
 年。世宗復三闕。述律喜。睦國人。自曰臘王。七年。與河東連兵寇鎮定。恭帝
 命我太祖北征。俄聞太祖即位。驚曰。中國有英主矣。於是遁去。開寶二年。
 扈人因述律醉而殺之。兀欲之子明記立。更名賢。改元曰保寧。自稱天贊
 皇帝。立時年九歲。七年。其涿州刺史耶律琜。以書遣雄州孫全興。乞脩好。
 其書有云。臣無文於境外。言則非宜。事有利於國家。專之亦可。全興以聞。
 太祖命以書答之。遂遣其臣先妙骨謹思來聘。太平興國二年。復遣使來
 賀。太宗即位四年。改元曰乾亨。太宗征河東。遣使起居。隨寇石嶺關。以援
 太原。為郭進所敗。王師既平河東。遂北征。勒兵幽州而還。明年寇雄州。太
 宗復北征。師次大名。遂遁去。明記立十五年而死。謚明孝成皇帝。有子三
 人。隆緒。隆裕。隆慶。梁王隆緒立。年十二。自稱天輔皇帝。尊母燕燕為承天
 皇太后。改大遼為大契丹國。燕燕專國政。以三萬騎來寇瀋陽。擊敗之。日
 利月利等十一族。七萬餘帳。內附降者。又三千帳。獲羊馬萬計。八年。改元
 曰統和。諸將言契丹主切國事。皆決於母。大將韓德。讓寵幸用事。國人嫉

之。請來襲以取燕。太宗以爲然。雍熙二年。以天平節度使曹彬。將幽州道行營前軍。出涿州。河陽節度使崔彥達副之。馬軍都指揮使米信。將幽州西北道行營之師。出雲中。代州觀察使杜彥圭副之。步軍都指揮使田重進。將定州路行營之師。出飛狐口。新州刺史譚延美副之。忠武軍節度使潘美。將雲應寰朔州行營之師。出鴈門。雲州觀察使楊業副之。曹彬克固安城。又下新城。重進賊飛狐南。斬首五百級。美攻寰州。降其刺史趙彥文。克涿州。美進圍朔州。其節度副使趙希贊以城降。虜萬騎來援飛狐。日重進大破之。擒其大將大鵬翼。康州刺史馬嗣。馬軍都指揮使何万通。又戰涿州南。斬首千餘級。殺宰相。斯美。遂圍應州。其節度副使艾正以城降。重進攻飛狐。下之。又下虛丘。美克雲州。吐渾節度副使党承德來降。重進圍蔚州。押牙李存璋等以城來降。潘美已下寰朔雲應。重進得山後要害之地。曹彬之將。聞美等屢勝。自以領重兵而功少。遂欲微功。彬不得已。累五十日糧。再趨涿州。且行且戰。歷二十日。始至城下。屬盛夏。士卒疲乏。不能進。還至歧溝。契丹驕戰。王師遂敗。彬宵涉拒馬河。營於易水之南。彥進回軍。亦爲契丹所敗。因詔美部還雲應寰朔四州之民五萬戶。及其吐渾突厥三部落。安慶等族八百餘帳。分處河南。旣而燕燕與其大臣耶律

漢寧。南北皮室。及五押楊隱。衆十餘萬陷襄州。楊業與戰于陳家谷。死之。
是歲寇易州。又寇代州。四年。復寇三關。瀛州帥劉延讓戰于君子館。敗。靖
先鋒賀令同高陽將楊重進。死之。遂陷易州。又寇定遠軍。端拱元年。寇滿
城。大將郭守文。李繼隆等與戰于唐河。敗之。斬首萬五千級。獲馬萬匹。雄
隆部送糧草。入威虜軍。為虜將于越邀戰。巡檢使尹繼倫。襲破于唐餘二州
之間。殺其大將皮室于越。遂遁去。虜將韓德威。率數萬騎。誘虎頭勒浪寇
族。木六大首。領馬尾等。自振武入寇府州。折御卿大敗其衆于子河。以勒
浪等族反攻其後。虜衆大潰。死者什六七。於是勒浪等族悉默塞內附。至
道元年。寇雄州。何承矩敗之。梟鐵林大將一人。咸平二年。大寇鎮定。真宗
親征。次大名。知府事折御卿等引兵入五合川。破技黃大尉營。三年。寇瀛
州。高陽帥康保裔戰于裴村。死之。大將范廷召追擊於莫州。斬首萬餘
級。奪其所掠老幼數萬。真宗還京師。復寇威虜軍。何承矩自雄州界河率
師攻平州。以事其勢。鎮定行營帥王顯等亦以大軍至。遂破虜二萬餘衆。
新統軍鐵林等十五人。六年。復寇定州。鎮定。高陽關三路帥王超敗之于
望都南。既而虜衆數萬至。副帥王維忠戰于康林。陷馬。景德元年。衆圍大
入。分寇威虜順安軍。又寇北平。經管田敏等破之。又寇定州。駐陽城淀。假

王繼忠爲書抵冀州請和。真宗謂宰相畢士安等曰：「和戎之利自古有之，然夷狄變詐，未可信也。」士安等曰：「比來降虜皆言國中惡陛下，復有幽燕之舉。」又說氣屢撓，而遣歸無名。其請和固不爲疑。於是遣右班殿直曹利用持書答之。然虜益進攻瀛州。利用至大名，而知府事王欽若留不遣。真宗北征，繼忠又奏契丹兵不敢劫掠，以待王人。而王人不至，乃詔欽若遣利用。虜復進兵陷德清軍，攻瀘州，伏弩發射，殺其貴將。順國王純覽遂大潰。利用乃與其衆龍使韓杞見行在，議盟。又遣右監門衛大將軍姚柬之獻御衣飲食。真宗御行宮，尚燕從官召柬之與因遣使交馳警書。真宗謂輔臣曰：「初欲令石普、楊延節還其歸路，而以精兵踵其後，腹背擊之，可無懼類矣。然兵連禍結，何時已哉？故徇其請，以休息天下之民。若彼自渝盟，以順代逆，覆亡之。殆未晚也。」明年，令雄霸州安肅軍置柵場以通其貿易。自是交通使賀生日及正旦，歲以爲常。仍遣以銀絹三十萬。又明年，其國人上燕燕號。曰：「睿德神略應運啓化，法道備仁聖武，開統承天，皇太后上隆緒。」曰：「洪文宣武至德廣道孝皇帝。」置中京于七金山下。其地本奚王牙帳也。大中祥符元年，號阿保機。廟曰太祖。德光曰太宗。璟曰世宗。明曰穆宗。賢曰景宗。明年燕燕歸政于隆緒。未踰月而卒。燕燕姓蕭氏，宰相思

溫之女。有機謀。善馭左右。大臣多得其死力。先是。蕃氏歐漢人死者。償以牛馬。漢人則斬之。仍以其親屬為奴婢。燕燕一以漢法論。每戎馬南入。親被甲督戰。及通和。亦出其謀。然天性殘忍。多殺戮。與耶律隆運通。遣人縊殺其妻。又幸壁工。迎望姬。有私議其醜者。輒殺之。隆緒畏其敢言。既卒。謚曰宣獻。年五十七。隆運即韓德讓也。事明記為樞密使。兼行營都統。明記疾亟。諸子切。大臣握兵在朝。隆運不俟召。率其親屬赴行帳。白燕燕分其兵權。明記辛。乃立隆緒。燕燕為皇太后。隆運既幸于燕燕。又以策立功。為司徒政事令。封楚王。賜姓耶律氏。改令名。又拜大丞相。善漢樞密使。南北而行營都統。使封齊王。隆緒親書鐵券以賜之。還尚書令。徙晉王。賜不拜乘車上殿。置護位百人護法。惟其國主得置之。隆緒以父事隆運。日遣其弟隆慶。隆裕。一問起居。隆運既卒。與燕燕同移而葬。無子。以隆裕子周王宗業為後。初燕燕死。隆緒聞弱。而隆慶桀黠。國人多附之。人搆甲兵。遣親信以私書交結貴臣。隆緒常召之。辭以避暑不至。其親信錄其書。抵雄州。且言隆緒不能敦睦親族。國人背恩歸漢。真宗敕遣吏勿報。五年。改元曰開泰。隆緒自遼陽伐高麗。為其所敗。將士沒者過半。天禧五年。改元曰太平。真宗崩。仁宗遣使告哀。隆緒即集蕃漢民。舉哀號慟。謂其宰相呂德懋。

曰。與南朝約為兄弟。垂二十年。今忽報忿。吾雖少兩歲。願餘生幾何。因
 復大慟。又曰。聞嗣皇帝尚少。恐未知通好。始末苟為臣下所聞。奈何。又謂
 其妻曰。汝可致書大宋皇太后。使汝名傳中國。遂令燕京憫忠寺置真宗
 靈御。建道場百日。又令國中有犯真宗諱。悉令易之。隆緒病。召東平王蕭
 孝穆。上京留守蕭孝先。使輔立其子。未不孤。而無失朝廷信誓。死于大奔
 河年六十一。立五十年。廟號聖宗。其妻曰。齊天皇后。妃曰順聖元妃。齊天
 平州節度使蕭思之女。耶律隆運之甥。有容色。隆緒寵愛之。事其姑燕
 然甚謹。燕然亦以隆運故深愛之。燕然既死。乃與國事權勢日盛。置宮闈
 司。補官屬出教命。號仁慈翊聖齊天彰德皇后。齊天善彈琵琶。與樂工燕
 文顯。李有福通。元妃以白隆緒。隆緒不納。又為書投隆緒寢中。隆緒得
 之曰。此必元妃為之也。令焚之。隆緒死。未不孤立。未不孤。隆緒第八子。名
 宗真。母即元妃也。以遺令立齊天為皇太后。元妃為皇太妃。元妃匿之。自
 為皇太后。令人誣害齊天謀反。坐死者百餘人。以小車載后。囚于上京。未
 幾。隆緒之太后總軍國事。改元曰景福。明年又改曰重熙。加號法天皇太
 后。多殺其功臣。專用其兄弟分監南北。著漢事。至其家奴。授團練觀察節
 度使四十餘人。幽人無賴者。往往願為蕭氏奴。初宗真嘗以酒一器。賜罷